

四庫全書

集部

欽定四庫全書

御製詩三集卷十六

古今體九十三首

辛巳八

七月晦日恭迎

皇太后駕至避暑山莊因成長句

時巡減從敬前驅令日

安輿登坦途

溫清旬餘濶

萱祀

起居十里迓蘭衢仙莊依例鶴齋憩

松鶴齋即聖母寢殿

佳景

欽承

鳳輦扶澗葉巖葩都瑞色千秋萬歲奉

慈娛

再題創得齋

昨歲初得齋即景名以創前日乃重來額已題簷上今  
朝復著句熟處誰能忘創得自千秋日新無故狀

夕佳樓

天高氣霽萬峯排夕景今朝果是佳却悟此佳不因境  
大都憂樂繫人懷

千尺雪

塞中沙水曲千灣過雨渾流落下潺便使六靈真箇對  
的應今日是巖山

筠鑪瓷椀伴幽嘉綠水浮香便試茶雖是習勞處武地  
奚妨清供學山家

浩然鏗爾復純如千斛塵蠲水石居西苑盤山將惠麓  
異同同異湯分疏

靜寄山房

六根意無定出入刹那頃與其寄於動寧教寄於靜靜  
固不在外亦頗觀乎境不然佛成道奚在明星耿山房  
翠微間而帶清溪洄花木脫凡姿禽魚契平等大圓鏡  
智中吾將事清省

河南巡撫常鈞奏報秋潦河漲湯溢大隄諸情形

詩以誌事

俗稱三白澇適當孟秋際撰辰早定期雨中因啟蹕將  
謂偶行潦跋涉何妨試南望雲勢重齊豫早厯意由來  
纔逾旬方伯飛章至七月十七八霖霖日夜繼黃水處  
處漲芟楫難為備遙隄不能容子堰徒成棄初湯黑埋  
口復漾時和驛叶侵尋及省城五門填土閉乘輶如戒  
嚴為保廬舍計吁嗟此大灾切切吾憂繫言念此方民  
饑洊臻往歲疏淪命朝臣

豫省水利向以渚洩失宜民  
田頗苦淤墊歲丁丑命侍郎

東曰修會同前撫臣胡寶瑔相度  
各工大加浚築比年並獲有秋  
救民不惜費近年頗

獲豐甫得復元氣而胡更遇澇灾較前尤劇

叶

所幸河

歸槽漲灘斷流墜城郭庶無恙佳音日夜跂其餘被水

郡諄諭勤周濟前功不可廢朝中遣大吏輕車自成竹

時常鈞甫經蒞任東曰修於黃沁源  
流素所諳悉即令馳驛前往會勘  
為我蘇殿屎

叶啟

行值塗濘僕從已多懟豈知北轆南額手感

天賜萬方吾保赤一飢已所致盈虛敢諉數調燮惟增

愧

再題創得齋

路轉峰迴得石關，巖齋小坐眇秋山。  
目同碧宇朗無盡，心與白雲散以閒。  
暖勒疊林猶綠綠，潦收幽澗尚潺潺。  
來經慣矣疑始遇，信有移情是此間。

夕佳樓

傍晚常教信馬來，千峰夕照翠雲堆。  
因緣時節宜留句，又得松窓片刻陪。

含粹齋



齋倚西山得陰早門臨北澗對泉清固欣秋熱宜農計  
却逐風涼暢塞情鹿始分羣試聲懶鵲猶引子學飛生  
仰觀俯察皆義象含粹從窺

注易精

繪韻樓

別墅無多據綠椒樓窓更俯萬峰標林巒迴薄皆神韻  
不藉丹青繪獨超

荷一首

御園荷欲闌山莊荷正放沿隄已宜觀而况漾輕舫左  
右皆君子居州奚數量松栢擬後凋雲霞豈時尚幽香  
拂山籟冷艷照野漲耐時異求人曰惟得之讓

### 塞山夕景

園中有塞山可識斯園美尋鹿遂因晚夕景更無比晴  
靄落微涼斜陽絢峰紫紫漸隱莽蒼都失千林綺惟餘  
傑池狀高下寥天倚萬化與冥合子厚揭妙旨彼得固  
其易而我艱得理於艱乃易逢不可無言紀

靜寄山房四題

假山

翠扶青蔚圍孱顏那藉疊石於其間信知小許勝大許  
誰云假山非真山世間真假已紛矣棗葉須彌寧繫此  
却省巖然幾岫中時有英英白雲起

魚磯

列谿之魚鮮且碩坐磯學釣藉苔席得魚固佳否亦可  
意在山青與水碧呂望釣得為公卿嚴光釣失仍得名

擲竿大笑非吾事不如放去任闌萍

秋英

我愛秋英勝春英春英木本秋草本草也猶能芳艷時  
固勝木逐韶華遠堂前堂後羅丁星冷黃悽紫難為名  
山蝶入叢省不見飛上斫山滿案馨

櫨梨

山中有櫨秋已熟閒庭自落聲簌簌野果含霜味亦佳  
何必張公珍大谷朔桃期棗總虛譽烏啄鹿銜那禁渠

莫嗟儉父饋酸味酸味回甘甘有餘

綺望樓

傍晚陟西岡就陰為赴涼門階倚山谷樓戶俯城墻碧  
宇開金顯黃雲報綺望祈年令

昔揆即景祝宜賜

澄觀齋

綠水階前帶翠岩簷後屏虛齋信生白秋樹尚餘青鹿  
跡留沙軟鶴聲警露冷澄觀觀底事色色復形形

戲題翠雲巖

疊葉堆枝互簇攢端知飛翠勝流丹昨來殊厭觀雲矣  
却是巖前不厭觀

河南巡撫常鈞奏報開封水消及河奪溜楊橋諸  
情形詩以誌事

方伯飛章速置郵開緘一慰一以愁慰因開封漲水退  
愁在河奪楊橋流下趨賈魯雖古道不經久豈隄防修  
川不能容必奔放豫齊處處將貽憂已聞南河說奇事

河水反落靈霖秋

尹繼善奏徐州一帶於七月二十等日河漲陡落丈餘上流疑有冲湯遣

人分赴探視云云計其時正豫省奪溜次日也然中州地處高原楊橋散溢下游澤國得免水患不可謂非

天幸矣實因散漫殃迤上正流弱乃淤泥留一患浸淫生

百患南望愬若予飢調急則治標事遮障俾歸故道遑

他謀重臣一再遣往勸

先是祥符湯水報至已命裘曰修赴豫相導河渠至是復命劉

統勲兆惠馳驛前往專司董築賈魯河奪溜急工

督築兼命視賑調宣房後已

失長策補偏實更無良猷平成之術方抱愧救民慢惜

司農籌

登四面雲山亭子

清秋雲散碧天露策馬遂造最高處谷中焚熱尚覺炎  
峰頂峭寒不禁遽幾番畫意徒凝眸今朝親到興始酬  
樹猶張王二字皆去聲依巖綠泉自清涼羃石流近村遠墅  
都結攬黍高稻下黃雲染關外秋成乃爾佳豫民被潦  
頓遙感

敞晴齋即目

尋勝行行陟翠椒山齋幕到敞晴霄騁懷真是欣新霽



憩倦因之坐野寮  
啼樹閒禽疑對語  
隔峰馴鹿若堪招  
夕陽滿谷催寒霽  
下磴言歸過石橋

水月精舍

月是中秋好  
水當白露澄  
因緣真罕遇  
俯仰恰茲憑  
朗照大千界  
飛流百道水  
花宮畔精舍  
靜對佛心燈

素尚齋

詰屈山徑幽  
綠雲蔚其上  
綫天中得路  
到齋却寥曠  
向來延緣處  
歷歷都在望  
五楹所虛受  
峰巒乃萬狀  
偶此

寄崇情于焉愜素尚

晚歸

尋鹿不覺歸來晚雖崇山中實御苑碧天無際玉輪高  
世界如遊廣寒宮豎峰橫嶺大光明萬樹蔚作丹桂榮  
却笑吳剛縱有斧一時何以修文撐出谷徐行尤清美  
兩兩紅燈來接矣月色甚佳安用灑灑輩效勤慣若此  
題蓮花室

雲山勝地聳高樓靜室蓮花樓上頭調御丈夫無色相

應真十六有源流憑叅水月還天月如是今秋即昔秋  
一切塵心茲淨掃不忘兩字

祖恩留

再題千尺雪

窓納平林野意賒山之曲復水之涯煙舟便可從茲放  
欲訪還應是戴家

學古堂

信步過煙隄書堂隱石蹊

奎文懸日月義路示端倪稽則心有獲議斯政不迷悟  
年今半百識

訓耳言提

春好軒有述

元為四德長仁實四性君以此言四序了知都是春蘅  
臯構廣軒棟宇樸且淳每來雖凜秋生意常懷新猶憶  
孟子言萬物備我身藹如可云息盜若當以純願言敷  
惠和躋臺薄海民

招涼榭

午熱圖延爽因之水榭虛綠陰風果隋藍尾暑全祛欣  
為秋宜稼愁虞雨致沁愁欣渾不定臨眺且躊躇

沈周秋巖眺聽圖

有樹丹青有瀑冷色宜眺復響宜聽南人本不來北地  
那寫山莊無遁形

臨芳墅口號

別墅蕭閒碧水涯中秋依舊有荷花臨芳設問為誰宅

應對濂溪周子家

駐伊犁大臣阿桂等奏報二麥大熟因用杜甫送  
高三十五書記詩韻首句恰與崆峒小麥熟同  
體遂用全章韻紀事然彼當季世而黠武不已  
宜詩人之刺今則遇綏豐於耆定之時亦反其  
意云爾

伊犁二麥熟久矣旋王師少留更審戍屯田俾勤為厄  
魯固爾札廟火燄早飛

事見前詩

霍集占馘獻大安反側兒

雖有幸灾者即今奚遊辭默克逮西溟無不韜國武功  
成弗可棄此語人盡知歸化回亦知遙覲瞻朝儀衛拉  
乃無人都護建閭麾朝彥掄英材百凡抒忠思綠旗本  
習農墾藝令乘時索倫善騎射偵候戈壁涯耕回挈眷  
遷使無離別悲準噶爾曾遷四城回人至伊犁令種田  
霍集占反迴回城時伐木拆廬盡携回  
人以去今仍命遷迴伊犁種田又董理烏魯木齊屯田  
大臣安泰奏報收穫倍稔贍給廩糈外尚多充羨因命  
廷臣等議綠旗屯丁及沿邊無地民願携挈墾耕就食  
者聽日久能似熱河口外之生聚則盛事也心焉企之  
人事庶云盡

天恩至亦隨屢豐既兆慶功惟賢臣歸甫也即重生何  
以為刺詩

即事三首

前朝午熱蒸宵雨昨日西風放晚晴始識山莊秋景好  
合循慶典愜輿情

舊藩新附胥來賀下隰高原已報登仍是孫謀

昔貽厥敢云

祖武此能繩



今年秋雨實過甚今日始知秋色佳却憶豫民遭暴漲  
安能一刻得紓懷

題含德齋

書齋額含德每憩緬

堯箴俛仰禽魚趣無非精一心

神詮昔曾揭理境此堪尋永懋日新志如承師保臨

繪韻樓

高樓萬山裏繪事擅神工清聽去聲泉淙澗仙聲巖落風

真堪娛耳目那更數青紅六法天然具升堂王氏蒙

敞晴齋口號

曠日蕭風霽景澄層峰疊嶂翠稜稜予心亦與晴空敞  
方信高齋忖度能

清綺書屋

一株老松當牖盤竒形翠色傲歲寒書屋雖然號清綺

了知元鎮商李隱不如韓愈

中秋

中秋昨歲度皇州今歲中秋塞景道且喜一天晴赴意  
更看滿魄月當頭照來野水都含鏡高處平齋可號樓  
檢校前年饒底事餅瓜筵上晒軍郵  
前年秋駐此回中  
方秦霍斯庫魯克  
等處之捷嘗以節夕治軍書  
至宵分不輟對景宛目前也

妙嚴室六韻

梵寺肖三摩文軒別一窩當秋常至止值暇聽波羅褥  
水帶峰驚香林襟嶺螺憑窓叅妙偈摘管得新哦那有  
寒山入堪招玉局過天花都不著幽籟拂雲和

千尺雪歌三疊舊韻

辛未之秋此初有題名為辛寒山後壬申癸酉一再疊  
皆早揮毫勒戶牖此來辛復一週花迅哉駒影真無加  
其間七歲闕疊韻非不歲歲來此如居家葛沙日逐抒  
誠素食黜懷音饗咸護軍書旁午費運籌那得餘閒領  
清悟武成事共逝水浚予有干城奏凱還行秋習獮止  
常例乃得乘暇按藻崖之灣崖之灣雪灑灑光翻上響  
徹下始如處女後脫兔急不可捉曰緩安能把明春行

復當臨吳聽雪小閣依然夫四圖具美自佳話微嫌芥  
蕙猶分區文章大塊真鑪鑪今來昔往咄咄徒云吾瀟  
瀟振鷺落野湖曾不知過去未來現在勞逸同與殊

寧靜齋

青山本是常寧體綠水原來至靜心著箇閒齋山水窟  
神寧氣靜得資深

再題食蔗居

迴峯絕澗歷千盤精潔山居峭壁端身世蕭然滿秋意

大官休說有漿寒

面臨幽谷背層峰峰上蒼蒼多古松我故無心學仙者也疑仝羨此間逢

倚翠亭

窈窕廊通步虛明亭暢懷有窓安牕蠓著壁倚雄崖望去青霄近排來翠色佳寧云緬堯儉却是土為階

松巖

孤亭四柱俯松巖巖上松濤了不凡七處徵心八辨見

何如坐此悟楞嚴

雨八韻

八月十九日

傳宣將啟蹕一雨又停鑾留客山靈慣得權水伯歡信  
佳駐仙境其奈塵河干決口築何日洪流湧尚湯仁人  
敢同惡穴赤適當難南北幸遙隔陰晴或異省入宵勢  
稍殺望豫感多端豈不延清賞吾非為暢觀

題錢維城塞外秋花九種

玉簪

夏芳出塞耐秋馨  
繪白為花纈葉青  
名于鶴仙心不繫  
也來叢畔肖其形

藍菊

萼承露葉受風斜  
那識東籬處士家  
雖是此花名冒菊  
可知還有出藍花

剪秋羅

秋羅底把并州剪  
應製仙人霓羽裳  
漫說漢宮秋色好  
請看秋色在山莊



雞冠

無聲絳幘玉階頭以意分明報曉籌  
榆塞楓宸寧有別宵衣一例慎咨疇

萬壽菊

葉纈瓊璫為正碧花衰琥珀是真黃  
幽風八月稱觴句常裏仙莊湛露瀼

牽牛

慢稱花葉擬天星莫訖非佳又乏馨  
火種刀耕關塞外

牽牛頗喜叶農經

秋海棠

反紅正綠渾難畫  
酸態嬌姿正可人  
春好軒山莊內軒名前

風露好居然八月有三春

老少年

是花皆葉絳葳蕤  
韓衆千年貌似兒  
此卉宸宜關外種  
西風颯颯雖來時

菊

野卉家葩秋本稠  
菊花開際衆芳收  
女夷誰道惟司艷  
可識幽貞氣獨投

即事

山靈留客示奇蹤  
恣置無言似太慵  
過雨隄中垂萬瀑  
收雲天外現雙峰  
蛩聲隱約辭寒蘚  
樹色侵尋讓老松  
待罷木蘭合仍駐  
應非秋矣栢初冬

八月廿三日作

鼎湖縹渺隔雲天  
瞥眼攀

髯廿六年

遺詔墨光如昨日一番開讀一潸然

寫心精舍

每至思

皇祖今朝

皇考思益深悲

序繼實恐負

謀貽武幸臻者定豐惟祈屢綏向誰寫心是無我息肩

時

熱河啟蹕幸木蘭作

山莊留駐俟橋楮鹿侯秋分難再遲幾縷雲徂澄碧落  
數灣漲退露蒼涯舊園喀喇沁遼待新附烏梁海並隨  
示度頒恩均有事此行寧祇為遊嬉

入崖口

九轉伊松漲始消吉驄攬轡度溪橋按程也欲輿情悵  
習獵從來曲制昭紅點綠林蜀錦織水淙石漱塞琴調

巖葩盡是芬陀利便爾香山未覺遙

香山亦有崖口  
見宋之問詩

木蘭行園即事襍詠八首

將謂秋深栢隋寒新紅濃綠尚興安  
賡詩自有諸學士  
執役方來衆可汗

魚麗雁字諄縝紛習獵由來寓習軍  
敢謂拓邊還定武  
周書垂訓此尊聞

抨矢彎弧忘臂病

今秋頗覺  
臂畧痛

亦因乘興亦先身都爾

平聲

伯特烏梁海況有新來觀化人

黃幕高張面翠陵筵開灑馬錦雲騰呼韓上壽尋常事  
漢史嗤他太艷稱

檀盧雖是不懷居宜月宜風便有餘適暇挑燈惟著句  
勝前歲此治軍書

丹楓翠柏金官績山色溪聲大塊文寓意由來不留意  
閑中無礙靜中欣

崇山尚自行泥淖今歲秋霖盛絕殊陡憶楊橋歌瓠子  
即今歸舊有成無

粗觀大意過秋山詩稿將盈篇幅間何必多今從杜語  
非關藏拙實偷閒

永安泚圍場殪虎

白沙翠柏山四圍國語永安名久垂

國語永安泚者林漢語沙地也

天石海滂泚披北人使馬如舟師陸離淫裔張魚麗蔽

幽伏莽毋或遺獵虞報有虎負嵎

叶

遂往殪之率飲飛

要遮前後緣坂熾威不可當曳尾馳失險遽卧淺草陂

隔谷下馬相高卑虎神鎗一發斃之厄魯回部胥扈隨



咋舌脫帽欽服其此亦偶然何足奇先是射鹿命炙炊  
藉草為席樹為帷割嘗徧賜漆指誰君臣和樂逮海涯  
靈囀世守

皇祖貽允戈和弓竹矢僊同珍其誰曰不宜

出伊瑪圖口

塞山千里是周陞

木蘭週千餘里以山為禁其外北則遊牧南則民田無圍場矣

出柵

依然見室廬

凡谷皆設柵為限俗亦名柳條邊

廿日獮蒐止適可九秋

困鹿幸豐餘村村煙火關民計處處耕桑異古初

此處勝朝

以前率拊之甌脫  
民所不能到也

保泰詰戎胥要務深官高養敢萌子

### 木蘭迴蹕至避暑山莊作

仲秋啟蹕返深秋  
彌月無何駒影遒  
迴望木蘭雲共遠  
到來仙苑景還稠  
楓丹每向松邊見  
泉響偏於風處流  
如此佳山可漫置  
合教數日翠華留

### 題樂成閣

巍閣芳園萬樹旁  
遠吞山靄俯官牆  
一溪熱水今還昔  
溫泉過中關  
合武列水經  
山莊東南入灤河  
熱河得名以此  
四野平川耕與桑  
每慶

塞豐酬力穡亦開鎬宴惠來王五年籌筆拓疆萬成武  
庶幾樂未遑

敞晴齋

極北深山別一區樓臺總覺是清都秋高越致晴光敞  
谷與偏留樹色殊既不常來太懶矣仍教亟去底為乎  
曰予猶望門墻者孔席慙同暇暖無

入古北口作

綠樹者從關外迴暖延秋序倍長哉

往歲迴轡時關外  
林空關內復見綠

樹今秋倍暖關外  
樹葉依然未落云  
總緣

慈慶因而篤信是

天庥栽者培邊計古休問守禦民生今祇懋臣徠迎鑒  
祝

嘏輿情聽

古北提督及直隸總兵等備  
經壇祝

聖母壽因聽之陽月欣臨

壽域開

錢維城仿黃公望秋山

秋入興安萬竅吹山蒼雲白樹叅差扈遊自寫胸中趣

却說無端仿大癡

米價一首

米價交冬長夏時都因一澇致如斯市人近利難平踊

天道虧盈詎有私奢望已虛審我咎

春夏之交麥收既豐大田亦可望有

收七月大霖雨致澇實可惜也

沛調以實厘其危豫民昏墊灾尤重堵

築功成迫待知

微雪

十月廿三日

秋霖今歲實傷過含凍猶欣潤麥科並匪望殷逢望外

果然宜瑞不宜多細飄未至銀鋪界微積剛省玉灑坡  
自是為膏還協候午晴融盡小陽和

仲冬萬壽山清漪園作

小憩清漪退問

安颯然冬景又堪觀山烘日色淡而暖泉帶水聲響且  
寒倚檻晷方長牖朗進舟川未凍波寬往來都為祝  
釐典一再欽籌意倍歡

大學士劉統勳協辦大學士兆惠等奏報揚橋決

口合龍詩以誌慰

秋霖河決致災侵億萬蒼黎繫念深特遣重臣資碩畫

善能集衆益詳斟功無時已歌寧信事在人為語允謔

倍價卹愁薪不屬

豫省草直每束例九分以鄰近多被水淮其倍給料集工速

抒誠

早勝玉還沈栢冬歸舊神哉沛刻日傳佳慰以欽不築

宜房築靈宇佑民輦堰冀來歆

工竣時日晴風順迴瀾迅捷靈貺昭應因命即

工所建 河神祠親題扁額申為民報祈之意

九老會詩

有序

九老會昉於唐而繼於宋然宋自別名為耆英而  
唐亦始以七後乃成九且彼或朝野雜廁文武錯  
參甚至淄流並預益無取焉我

國家

累洽重熙漸摩培養史稱世如春而人多壽信非虛語  
恭值

聖母七旬慶辰命舉九老之會用晉

萬壽之觴蓋諸王與在朝文臣為一班武臣為一班致



仕者別為一班各得九人統名一會合二十七人之歲得若干所謂三壽作朋如岡如陵詩不云乎孝思不匱萬壽無疆萬壽維祺志所宜然事或難必合廿七人若干歲以為

聖母壽

天其申命錫予乎朕成首倡三章諸臣自紀其事有不能詩者命內廷翰林代成並勅畫院繪圖於以熙鴻介祉永茲盛曲將屆

聖母八旬九旬期頤以至若干壽則我朝臣之登眉梨  
耄鮐者必亦蒙

庥近光與年並增朕當十年一舉盛會其歡喜慶幸曷  
其有極哉

昇平人瑞有天潢會領文臣例栢梁

履親王顯親王並以年逾古稀為是

會領袖視漢栢梁聯句首賡者  
宗臣惟梁孝王一人實已過之總沐

列朝厚培養共耆難老劬勩元豐二相今猶在

大學士來

保史貽直皆康熙間舊臣年逾八袞較  
宋富弼文彥博之列耆英會榮有過焉履道諸賢詎可

方

慈慶熙鴻欣錫類羣仙引進

萬年觴

右在朝王大臣九人共六百七十七歲

予有折衝曰禦侮泰平克壯壽駢臻據鞍矍鑠寧當代  
獻爵從容合此辰行已耆英纔一老

宋者英會中曾任  
武臣者惟馮行已

一人令九人皆現仕且  
職備中外足副盛典

溫城恩遇有多人延禧佳會伊

今始詎為高談世似春

右在朝武臣九人共七百二十二歲

會昌九老皆林下詩酒無過自倡酬  
詣闕不聞緣祝嘏懸車久已恣優遊  
煙霞供養得真趣藥石和調邪浪求  
廿七人餘二千歲啟祥

七袞慶添籌

右致仕諸臣九人共七百四歲

命九老等遊香山再題以句用白居易詩韻

九老作朋總廿七隳顛華髮映髭鬚  
廟堂未免拘儀度

泉石特教恣譙娛丹陛暫辭心肯忘玉關歸後氣猶麤  
聽松祇合鸞杯舉陟嶽寧須鳩杖扶一例香山南讓北  
千秋羣彥畫成圖如今擬問白居易似爾當年少欠無

恭逢

聖母七旬大慶

慈寧宮慶賀禮成誌喜

重熙累洽世蕃昌

壽茂

萱闈五福穰

七袞開臨七日復萬方歡奉

萬年觴恩覃錫類承

慈志冊進徽稱篤

懿慶十載一週行盛典仙籌綵綫永添長

冬至

南郊禮成述事

亞歲迎禧

首祀行在懸應律肇陽生鐫鐘特磬稽前制

此因臨江得古鐫鐘

參考仿製副以特磬大樂條理乃備今

大祀始用之

玉振金聲集大成一統咸

賓欽

錫羨重熙幸際慎持盈敢希

穆穆居歆眷庶

鑒夔夔對越誠

雪

十二月  
初七日

秋霖餘潤無資雪冬麥含萌有雪宜問夜天衣稱霽霽

侵晨玉葉益綏綏臘前應節祥堪卜望外逢霑喜可知  
昨已傳宣幸瓊島瑤林生面一探奇


雪中鏡清齋作

水鏡風與開冰鏡雪與揩開或光無定揩實朗益佳配  
藜照曜呈上下晶明皆觸景得新會今朝雪裏來

除夕

日自朝還暮歲分辛與壬壑蛇寧可挽尊獸又當斟暖  
熱薪盆氣吉祥竹爆音年華有新舊不異愛民心





御製詩三集卷十六

欽定四庫全書

集部

御製詩三集卷十七

詳校官侍郎臣謝墉

助教臣常循覆勘

總校官原任中允臣王燕緒

校對官中書臣蔣寬

謄錄監生臣蔣傳馨

欽定四庫全書

御製詩三集卷十七

古今體六十八首

壬午一

壬午元旦

午門曙色集纓簪首祚朝正黼座臨資始春臺當罟布  
勅幾寰海厪懷任特懸初復鍾鐘制應律欣聞太簇音

大樂鐘磬新具特懸黃鐘之宮既於南郊  
首肄之今孟陬太簇叶律實自正殿朝元始欲使恩

膏被民溥更殷兢業與年深

元旦試筆

普淖羣雍啟泰陽  
棼暉曙色是春光  
月壬訢合歲壬建  
七始閭披華始昌  
法

祖敬

天心不息愛民勤  
政念方長中牟冬  
仲工纔歲可徧淤  
田茁麥芒

青陽一氣八瀛覃  
考驗寧需邕與譚  
協紀壬干符坎德  
辨方午位配離南  
便希菽粟如水火  
敢懈惕乾玩九三

宿玉扶筐多瑞色顯祈今歲美田蠶

玉盤謠疊舊作韻

有序

西濛穴掃元戎重器同遷北漠屯開督護遺珍載  
獻在德致詎誇夫俘玉而功成宜切於銘盤一圍  
因以重之兩美茲其合矣爾乃開河粹毓準部材  
程昔焉青鉢偕登世作蹕林之寶昨者金屠不守  
時投甌脫之墟當夫琛賁來庭兌和列序璆琅匪  
乏奚煩徵典瑞于骨都輪廣依然亦未著鐫文於

或貢鑠甲或玉罇付之有司武庫存精金華服綵帛完  
薄來厚往已數年物固有幸奇聯偶伊犁扼要輪番守  
儲胥詎藉邊內取哈薩布露胥地醜敢萌覬覦市易走  
壑耕忽見此盤有驛致同舊列左右絕域秋登萬寶滋  
既足食矣還足衣喜固在彼斯非奇敢因志滿不戢師  
天庥敬奉戒恬熙福謙保泰永誌之向欲速矣思增椎

前篇以得盤時通逆尚未就殲  
故有擬付鄭人一例椎之句

白鷹歌

阿渾祇以五碁殊績捷應轉圜百部永清懽回覆  
盜此則達瓦齊故物已虛槃敦行酒弗辱乎降王  
阿睦爾撒納齎貲空盜大弓輟蹠究歸於太府是  
用摛二篇而述事鑄謝鼎辭閱三載以繫時歌箴  
座侑云爾

與昔獲盤符寸尺隻復成雙補闕益忽分忽合無情石  
猶覺愉焉色潤碧却似延津龍躍澤是宜有詩紀其跡  
出師昔歲畧崑崙五載功成咸來賓天方默克西瀛津

霍罕額爾德尼伯克所進歌以紀事

受將軍檄遮賊魁設罟未入慚雉媒

逆酋霍集占兄弟窮竄至拔達克山

獻敵而安集延霍罕諸回部一奉軍門割並請設計誘擒雖逆酋未及取道而先後惴惴備著

捧首以

降心無乖方物屢獻表賓徠每教厚往而薄來九經正

義誠昭哉白鷹今復致鷲材雪毛金脚刷羽皚下韞目

不留狼豺鵲師赤養皆旗回

回人養鷹鵲者謂之鵲師赤居之京師隸八旗

蒲

萄餵肉那可儕開門揖盜謀非佳博觀今古益凜懷作

歌匪詡遐荒開

馬遠尋梅圖

不有貞元氣安知天地心  
斯能消息報溪畔一相尋

新正重華宮侍

皇太后宴

荅臘冬冬送喜頻韶年綺宴奉

慈親西池敬進南山壽

八表初開首歲春  
火樹銀花迎節物  
吳童越叟望時巡  
宮中行樂同天下

聖母康寧萬福臻

安期棗

漢王如棗大因  
以名之並題句

無核仙人棗來應自海東如瓜雖遜大蒸栗謾言紅真  
誥諭長史佯詢譏景公持將獻王母甘與王文同

盛懋瑶林積雪圖

寒林白屋依微出蕭寺紅樓縹渺橫借問板橋驢背客  
眼中景可入詩情

降旨加賑豫省去歲被水州縣詩以誌事



楊橋昨秋河奪溜督築柏冬工韋就爾時普賑濟燃眉  
帑粟不惜期速救方伯量移取熟路曰有事焉資善後  
胡實琛前為豫撫曾命會辦通省渠  
工去秋有楊橋之後復自江西調任頗聞淤田麥秧茁  
便冀有秋時尚久叶方春生養萬物歡豫民獨苦予心  
疾災有重輕本不同賑加一再分薄厚旋轉化機賴  
天庥客冬三白鱗塍宿顯祈赤子復元氣博施寧誇補  
罅漏

和聞玉韞

方物和闡獻良琮器用資矢催肅慎氏績底羯滂支德  
佩猶堪繹武成敢即熙叔孫非所擬惟切燠休思

題金廷標人物

對梅鋪紙與傳神香影真情領畧親彷彿山中高士道  
冰肌同是箇中人

降旨免江浙積欠詩以誌事

有序

春頌青陸將迎

鳳輦於維南日下黃封早佇雞竿於自北爰仿再巡之

典制俾寬三省之供輸念額徵既羨乎鄰疆知尾  
欠旋贏夫比歲雖遇微眚而必緩長官自識勤撫  
字以輟催科即希明詔而少延下戶不無覲新恩  
以紓舊課嘉彼祝

釐之共切廣茲

錫類之咸周匪矜濊澤十行懽均白屋惟厯始和二日  
令協紫泥云爾

行時葆駕指東南嘉與吾民共樂湛財賦重區歲有欠

催科概豁澤均覃積逋豈計萬已累

三省共八十旁及五萬兩有奇

俾寬省以三

安徽本所不到亦免之

較彼豫人誠厚幸一為歡喜

一為慚

沈周踈簾看雪圖

踈簾捲起那言涼愛對梅芬松復蒼外相不徒稱一合  
早將冰雪作心腸

新正瀛臺

韶正郁霽瑞光浮西苑行時偶燕遊寶帖宜春金薤墨

綵屏延壽玉麟洲萬年枝是彤墀植六出花猶碧瓦留  
百歲重熙人樂業歡聲爆竹滿皇州

韻古堂

西江出鑄鐘東辟稽冊府定樂概增今

今以臨江得古  
鑄鐘仿鑄入樂

副以特磬備十二律聲振始終之節  
古鐘闕一者並為補足弄之堂中

藏器號韻古服堯

之服頌堯言不行堯行堯豈然韻古顏堂吾惡旃斯民  
三代語不刊安得華胥風現前

豐澤園

左藝蔬畦後美田園名豐澤緬

堯年新正淑氣迎條鬯萬國春臺願美全紫脫朱英非  
瑞應人和歲稔冀祥駢幽風圖畫天然繪于耜時臨意  
倍乾

虛白室

窓納數峯迴棟隆三架幽既虛堪悅性曰白不關眸逕  
曲無塵到庭深有竹脩華鐙非所綴雅合片時留

竹逕

竹逕依巖掃雪堆琳琅合撰助栽培因之遙憶河南北  
能否均教護麥莢

戲題聽鴻樓

翠蹕行將啓葆旗東南望韋答情期高飛雁際花低發  
分付橫樓紀歲時

文徵明蘭竹

一首尼山操三篇衛國詩真教投氣味誰復覺參差介  
入歲蕤影香含瀟灑枝衡翁非漫作應為寄相知

題漢玉璜

鳳人事磨琢君子贊威儀出地唯天見興姬得望時禮  
圖繪有據文架置無款穿孔居然在誰當罨繫施

布魯特額木爾貝所獻七首歌

回部大定興農耕分駐宣撫留朝卿其中喀什噶爾城  
近外部落嚴候偵有布魯特馳使伴厥長額木爾貝名  
獻玉七首來輸誠佉盧回書仍左行譯出一一申葵傾  
向因路阻兇醜兵戡逆靖亂今太平地為王土人王氓



貢物表敬慙非輕驛致金闕由海明

時侍郎海明駐喀什噶爾

開匣

尺八居然呈龍鱗其室櫛以頰玉柄金鏤象鼻形抽看  
光如波溢青月芽直芒披電星封還銷鑄胥矯情咸賓  
用識王道貞

祈穀齋居

首歲

祈年躬謹行齋居遷坐肅精誠銅人對似臨師保玉漏  
聆常凜旦明瑞色農占宿三白宮聲市語徹新正春聯

朱戶書金馬悲我殷殷奉若情

方從義畫菜

向背分明葉簇攢  
灑灑似浥露華寒  
栽培自不如老圃  
滋味何妨識大官  
且喜煙蕪共長養  
湯同冰鯉齊去聲鹹  
酸融融生意春  
銓下畫幀當如漢  
詔觀

題大理石屏

盈尺昆彌石自然  
成畫圖有天千嶂  
倚無地一亭孤林  
是不凋樹境惟絕  
俗區羸他王宰蹟  
粉色已糝糊

降旨命直隸總督山東巡撫優恤去歲被水諸州

縣詩以誌事

豫省去歲當河決災重優恩施次第江蘇兩浙與安徽  
喜遇春巡澤亦逮新正寬大宜頻頒齋暇益切憂民意  
直隸山東昨秋澇較豫雖輕實波及叶發帑糴粟毋或  
靳惠俾均霑勅大吏猶厯春月賑期完寧免不接青黃  
際用是十行再申命方伯胥應善撫字災有重輕戶殊  
貧保甲可按知極次加一加二率咸知即使再加莫拘

例君臣皆食

天祿人嗟嗟羣赤無祿位恤民設不盡此心寧弗深慙  
曠工義

題和闐玉鏡臺

巧琢和闐玉渾成開府臺采花初未識納聘訝徒猜明  
倚辟邪鏡祥同照世杯奇珍非所詡惟是識招徠

戲題陸治瓶花

紅海棠依白水仙陳思王晤李青蓮如何洛浦頻背面

似與楊家未愜然

詣齋宮二首

龍旗玉輅出都城樂設金饒不作聲

詣齋宮日鹵簿設樂例不作

預

日齋宮自成例

祈年初祉倍虔誠

辦香

穹宇告親來步轉東廊視豆迴遂即齋宮居惕息辟詩

遍讀凜規恢

祈穀禮成述事

元正

祈歲卜先春

是月十一日立春

吉日惟良祀

上宰益切欽哉茲對

帝勉思仁也始為人

是日值人日

豐綏西北千倉積令啟東

南五載巡願與吾民共休養萬方和樂戴

洪鈞

詠木桃

何代靈根此曲卷綏山一顆自成仙枝頭那慮搖風落  
盤裏猶疑帶露鮮東海險哉殺三士西池幻矣熟千年  
獨因想見苞苴禮衛國風吟第十篇

陸治花果籃

夏英冬卉爭舒艷圃果畦蔬共佐餐謬道四時一合相  
化工賦物本齊觀

人日

人日恰逢辛昌符叶悉新

南郊迎介祉

是日祈穀

三宿先元春

十一日始立春

盤菜鴻禧薦屏

花燕喜申晴和真吉兆所願福吾民

唐寅深巖雲屋

孤峯刻削插青旻立若無根根是雲過澗伊人來不去  
為欣見見副聞聞

題玉鏤鞞上泉傍觀梅圖

山邊復水邊忽見一枝妍人訝弄珠是泉猶瀑布懸風  
流香足鄙跌宕格堪傳春信來何似無殊矢在弦



同豫軒

西苑行春春未歸  
開年已覺盡韶暉  
賜筵高閣待儀備  
小憩文軒愛景徽  
市俯六街欣既富  
日臨八穀卜如幾  
吾民同豫吾恒願  
豫在屢豐願每違

韻古堂

特懸古器出江邊  
曾見姬家建子年  
一笑拘墟吾未免  
泉聲風籟總同然

素尚齋即景

脩竹蒼松積雪滋庭花耐可遲

去聲

芳蕤天工繪事言詩

似尚素原為醞釀時

賦得賞脩竹

淑清勝以竹題額眇

堯年个个琳琅列聲聲角徵懸四時皆入賞千畝祇虛傳  
護徑數竿足畫窓一幃便古今常有契風月總無邊  
元凱如堪擬吾方意渴賢

寶月樓六韻

鈞軸青旗轉璇璣玉燭調高樓春可望斜漢月恒邀旭

靄占多穀

是日穀日

露滑詠蓼蕭敬思九功叙敢詡八瀛朝

綵燕翔屏綺銀花壑勝韶晚來鈎影挂欲釣上元宵

### 新正紫光閣賜外藩小宴即席得句

歲歲名藩賀正入筠沖令益覲光臣元朝式序羣公拜

蒙古汗王貝勒公等各視品級叙於內親王貝勒公等之次行禮

曲宴還教三接申勒

壁畫圖思偉績

閣中備列功臣畫像并贊

開筵酒醴款嘉賓

蒙古諸王優稱

之曰賓客

呼韓位在侯王上漢室偏誇服遠人

武成殿卽事

筵開御延閣儀具懋廣殿惟是念衆勞敢曰恃  
天眷周廊泐壁詩數載籌筆見處泰益乾惕際和戒安  
宴武成一再過孜孜圖永奠

承光殿

曾城巍邃殿宴罷一登臨地迴春風早蹟陳古木森唐  
花多淑色時鳥有和音與物欣韶泰瓊華又佈陰

蟠青室

石梯入屋躋層巘坐榻還憑碧牖櫺橫嶺豎峰皆玉染  
却看室裏鎮蟠青

悅心殿即目

承光直北是瓊華宛轉虹橋路不賒積雪欣滋瑤島樹  
輕陰又疊赤城霞梅將春信徐徐遞詩與韶光旋旋加  
因憶子輿明訓在悅心禮義足生涯

賦得一房山

房貯山幾疊堪稱山一房天台賦讀綽大嶺盡披王自

有春苔潤豈虞秋樹蒼  
開窓偶騁目表裏映嵐光

題靜憩軒

靜憩軒實青宮名爾時真靜亦真憩居今那有靜憩時  
無過相沿額勝地悅心殿側室三間蒼松怪石頗佳致  
額以靜憩亦多年過門不入則且置即使入室暫徘徊  
筍席曾無暫暖事春晴慮旱每蹙眉秋霖懼澇常厯意  
萬幾終始懷永圖一心敬怠凜明畏聖人主靜我未遑  
高軒得憩以為愧

文徵明松陰高士

瀟落茅菴淺淡山野橋欲過又成還屢屨已有班荆者

付與林泉相對閒

玉盤聯句

有序

懷任協紀齊頌九譯之春  
姬訾迎韶早展重華之  
宴試覓新題于甲觀寧  
沿舊例乎辛盤則有西  
部輸珎尚方典器青筠  
浮面一雙承露交擎碧  
菖為跌三五曜靈滿暈  
始也軍諮驛遞未碎斗  
而楚帳

烏飛繼馬屯長犁翻存竊鉤而魯庭盜走失守見  
可敦並棄龍沙鼉采猶韜得時思咱馬同陳魚海  
土花不蝕矧乃泥都椀進朝端餽肉無煩和卓篤  
來徼外分醪足樂維

鴻庥告永清之會正神物昭終合之期既偕地出圜鐘  
元氣兼通乎異域還應霄呈疊壁貞符適叶於前  
年當茲什龍初披六巡載詠禁中頗收胥目屬以  
爭誇臺上鄂褒亦手捫而暗認繫爾韻催銅鉢程



功庶慶其得全顧予銘切金甌記實斬箴夫持滿

御製

今日青宮集近臣聯吟例許列文茵玉盤先後來殊

域

石鼎推敲繼綺晨隔歲紫光圖凱會韶年

蒼緯答精裡東升旭影霞初絢

臣傳恒

西繞山容黛半皴

綵勝吉占迎曙燦花幡芳信颺風頻鶯遷柳放梭

初擲

臣來保

魚樂冰開尾有莘節應棣通蠲穀旦律

調泰族協初旬菜挑七種羅肴核

臣劉統勲

裘粲三英

集組紳坐列共球昭拓土班添瓊屬賀填闡辟邪

遠掃天堂穴

臣兆惠

御製

延喜遙開月竈垠猶憶逐犇阿睦爾因緣収器額琳

秦

番語謂實為額琳秦

一之為甚寧思二

天且無違而况人果見獻琛來攘攘誰容遊釜走跋跋

衛拉四部全歸吏

臣梁詩正

厄魯千羣總隸民遂有白

環踰弱水同時青鉢供香座寶裘鞞琤芙蓉鐸

臣陳

魚縹藉圭璋翡翠綸嘈囀竊文鐫詰屈堅昆枕璞

剖嶙峋汗溝流赭毛頌馬

臣劉綸

陽冶鎔黃趾鑄麟

九府圓型工肉好三河方折採齋淪苞符自效圖

書藪

臣舒赫德

御製瓌異奚誇冠帶倫欲壑伊犁興稼穡誰埋大窖出璘

珣護呵信是資丁甲

博識何須問癸辛若木葩莠分韞匱望舒暈滿瓏

浮筠昔年苜蓿充沙漠

臣于敏中

此日琉璃對枳振瓊

筍駢函重珏輯

瑶階聯晉六符陳園三渾約涵規數

臣錢汝誠

倍兩橫當布

拍循累譯走偕車輾輾他山攻借石磨磷那誇琬

琰呈和璞

臣介福

詎數璫瑋出帝因頌瑞記曾探大

酉搜源跡直溯西申窺同象緯聯璣壁

臣何國宗

御製薦旅梯航配鰈鷁劍契豐城語豈誕珠還合浦事誠

神乾坤奇偶成交泰

雷雨經綸濟險屯寶玉彤弓疇許盜元音大呂不

終湮性原特達馳包匭

臣觀保

質秉堅剛協化鈞幾

試崑炎光獨葆潛通虹氣蟄還伸連城價詎千金

重

臣王際華

照廡芒驚五色勻輻湊璵璠徵合軌種滋

蒲穀驗同昀捧來有澤能盈手

臣錢維城

選得無瑕可

澡身容炙具先超鼎耳斟膏用或並杯唇雙飛入

韻輝相照

臣張泰開

御製

二妙同臺意自親侍從今時昔上將追陪密席遠嘉

賓

是日御前蒙古王公亦在座

武成久矣人心豫

賁獻駢如地寶臻響應鏘鐘尊典樂製侔獵鼓掌

成均夜光互燭聯形影

臣王會汾

鼉采交輝象介僕何

俟得璜偏海溼本來投石自天濱躍淵似擊蕤賓

鐵

臣金姓

啓礦如探安息銀煜煜鴻儀剛比德斑斑

龍輔恰為鄰紋凝水碧痕微吐

臣陳北崙

廉劄山元體

寂純細較廣袤齊尺寸遙覘氣象炳星辰中涵溫

潤疑丹甑

臣倪承寬

御製外達菁英異綠瑤象協地天舍太極圓呈日月麗雙

輪巧諧訝似能飛鏡

遠屆欣同不脛珎定識洪爐竒締造無勞哲匠費

陶甄衆形雕刻天工錯

臣邊繼祖

圓盖帡幪

睿藻彬授簡載賡敷

黼座盍簪依永上

楓宸嘉祥喜叶南山祝

臣盧文弼

燕飲歡斟北斗醇魯寶承

匝歌酌賚荆璆琢敦舞章斌鏤雲列架頴虬卧

臣謝

壩散彩流蘇紫鳳馴

惠浹長筵銘瑞甕樂張

廣殿將和鐫蓼芽入饌纔逢穀

臣汪永錫

御製椒蕊粘屏始建寅三品果盛回部味九華燈映上元

春敢誇禹貢傳西被惟對湯盤凜日新

重華宮曲宴內廷大學士翰林聯句詠玉盤並成

是什

玉盤先後合延津聯詠偏宜題命新詎謂聲靈鋪絕塞  
尚懷征伐愍諸臣共看延喜聯雙珏恰稱先春貯五辛  
果飮蘭玕茗犀液澆書底用酒三巡



瑞看雪色積龍津  
需雅舍韶介祉新  
自是青宮非舊邸  
每成首什倡羣臣  
勅幾敢懈懷先甲  
詠物偏宜論受辛  
相悅徵招迓春節  
行將江國舉時巡

題趙原山水

卜築碩人軸棲遲  
高士情泉飛深澗  
白雲去遠山明松  
竹真瀟灑夷齊可  
弟兄不稱堪傲世  
傲世豈非名

壬午春帖子

首節廻韶令元正  
恰一旬朝來風自  
艮四海遍知春

青陽舒始氣初澤佈光天代嬪無窮已祈年一念虔  
陽和鼓動聽都曇萬物馮生海宇覃行氣乘時明發駕  
龍於喜正指東南

玉山題壁圖

得句旋教選壁題奚童那藉錦囊携驀逢未審伊誰氏  
不姓襄常定姓嵇

立春日雪

邇日雲容先集頻欣看密雪灑侵晨重添瑞色連前臘

真叶祥徵始立春綵筆花牋宜節帖金根葩璫逮時巡  
燕齊喜氣接江浙樂共吾民戴

帝仁

仇英剡溪訪戴圖

雪壓蘆汀水不波山陰妙趣攬如何千秋佳話傳乘興  
見戴由來勝幾多

雪中漪瀾堂

昨吟瓊島兆佳陰喜罩祥靈塔影森太液漪瀾雖遲去

待金山消息已侵尋

是處肖浮玉為之向有詩

千巖素鏤玲瓏竅萬

木葩生清淨林一詠江天遊目句先期浮玉此登臨

鏡清齋得句

池水如鏡展春雪與旃磨豈不尋常到今朝景概多綴  
檐燈映綺貼戶勝延和初澤初韶錫欽承應若何

焙茶塢

矮屋踈櫺祇兩楹竹鑪茗椀洒然清今朝第一泉無藉  
恰好収來雪水烹

畫舫齋即景

冰牀度玉浦畫舫憩雲齋  
泝氣今朝入祥雲特地諧韶  
光增詆蕩潤景足清佳圖展  
山陰棹真娛即景懷

小玲瓏室

詰曲迴廊架水通  
文軒號得小玲瓏  
筠簟琢雪虛而朗  
繪事伊誰似此工

古柯庭

飽經秋月與春風  
密雪鋪柯旋已融  
却似道人無火色

曲肱往往卧其中

文徵明古松奇石

石骨松皮了莫分松蒼石詭相

入聲

氤氲設如太古無名

字何致人疑布與麋

絳雪軒

東壁圖書插架多唐宮花更外庭羅酣春朶未錦舒蕊  
值雪葩為玉綻柯汜勝占來真應節青皇迎得正專和  
非闕假藉嶠山瑞瑞比嶠山較更那



御製詩三集卷十七



欽定四庫全書

御製詩三集卷十八

古今體一百五首

壬午二

恭奉

皇太后南巡啓蹕再疊前韻

有序

年占午正宜揚南國之旌月肇寅生爰效東皇之  
駕當朔塞九功奏凱慶逮乘時况

西池七袞稱觴懽逾獻歲時乃燕臺日近魯甸春迴指

吳頭則堰莅觀河臨越角而塘循捍海詔卻綵棚  
銓幔何以文為風陳巷舞衢謳無非事者然而典  
符三接辰紀十周求民莫以給舖厓呼庚癸體

懿懷而紆軫重閱宰士維再巡令則還仍用誌憑軒伊  
始想一路歡聲可即如言候仗何遲云爾

初歲開士甫背辛答陽任養叙彝倫添

籌纔度七旬慶養

志還符五載巡每為賑調傳蹕止

本擬辛巳南巡以下  
河窪地偶值偏災復

改為  
壬午

幸逢給足俾情申南轅始命展軫僕澤國遙懷引

領民寧以行時吳與越肯忘遇滂衛還陳十行不惜恩

加月

去秋豫河漫口奪溜數郡被災亟命地方大吏妥為撫恤開年復命從優加展賑期

四海惟

期澤普春日奉

慈顏心有喜途臨韶序景從新行宮所幸前遭者武定

聊無籌筆頻

丁丑南巡時賊酋巴雅爾等構釁兩路進討軍書逆違行在故有敢廢軍書裁決頻

之句

駐良鄉行宮疊舊作韻

黃圖古冀緬廬胥堯以為心久愧諸惟是敬誠凜無逸  
庶幾風俗復還初時巡民瘼體毋怠日侍

慈顏樂有餘詎可深宮懷宴息聖人見說貴鵷居

良鄉行宮奉

皇太后觀煙火即事得句

時巡啓蹕先

去聲

元宵初頓黃圖路不遙迎節欣邀

慈闈豫送鑾況集外藩朝

是夕在京王公及外藩送駕者皆令預觀

紫瀾欲

定風澄晚七寶將圓月燭霄大野春銓民共樂廣陵却

笑躡虹橋

良鄉行宮再疊舊韻

立春昨日欣逢雪，便覺春琴藹帝江。  
啓蹕正宜迎氣始，行宮韶旭瞰明窓。

心欲其安身欲勞，挑鐙義府足怡遨。  
賦詩何必多明憶，每至摘詞興輒豪。

清風一牖春秋韻，明月滿庭今古情。  
無盡藏真大公物，坡翁遊戲語猶誠。

翠華三度指東南  
遮莫遊情覺已酣  
豁賦省耕度入聲河  
務其他無欲孰窺探

郊臺

廣陽南五里封土建郊臺  
每過欽

天佑非關詡域開  
戰袍解昔勞

去聲

纏帽扈今來

年班來謁諸回

人皆令隨行過上元始  
分路命侍衛帶往各城

迴憶誠儆偉淵衷益慎哉

弘恩寺

祇園古道左來往  
駐旌仍僧有毘尼行

去聲梵言毘尼  
華稱戒律也

佛無聖見乘

聲聞緣覺無凡見尚有聖見惟佛乘始無聖見

時禽鳴意喜靜室

憩心澂即境思名義敷恩亦欲弘

琉璃河

大防玉石源流遠卧渚長橋來往資未泮春冰沙漲岼  
頰臨真是白琉璃

過督亢陂因詠荆軻事

使上聲去聲使持圖西獻秦強秦豈不利求真數千里外此

何用讀史誰誠具眼人

擊筑悲歌易水寒那更顯送白衣冠荆卿神勇秦王獨  
左股先殘信實難

涿州行宮晚景

涿郡出南門行宮向遠原底須事藻績亦自有亭軒西  
嶺銜春旭東蟾竚上元郊鎗真足賞民俗藉堪論豈不  
還淳念其間同樂存清宵閒點筆爆竹聽村村

涿鹿行四疊前韻

行宮近鄰四字城至今四疊涿鹿行昨辛耆定識僥倖



前丁擘畫思分明如願麥熟千村飽

去歲麥大熟

夏田苗秀

誠亦好不期秋霖忽致澇救災蒿目之術巧匪民之過  
皆我尤猶幸此方蒙

眷稠豫省河決乃大沴賑濟不教餘力留重臣馳驛往  
督築韋能瓠子全功收往來巡狩無非事萬方方寸勵  
慎修

題酈道元故居

注水經曾卅卷成紫淵勝處寢分明果然在涿惟言涿

地附青雲也立名

紫泉行宮十詠

敞軒

千秋一水帶新城變紫伊誰浪與名稍葺行宮省駝力  
疏軒早見敞三楹

屏山

圖水寬因致山聳三峰當戶畫屏風訝看中吐英英氣  
能爾為應王氏蒙

鏡湖

湛淥溶溶數畝涵  
碧波消息遞江南  
開奩設使辟明鏡  
却憶貞觀有理談

舫室

飛鳧不繫鏡湖涯  
似效昆明石舫為  
好惡毫釐可弗慎  
未斯安處早慚斯

梭亭

四柱孤亭臨石坡  
梭毛密茸耗婆娑  
雖然從儉還新樣

比似茅茨祇覺過

虹橋

長橋飲練學南國  
顛米詩情憶宛然  
幾度吳江訪古蹟  
不知其處祇名傳

魚罾

渚畔魚罾得所償  
豐於竿釣儉於網  
若非雲水滄浪意  
子莫執中底足長

石徑

十畝閒園五畝宅，逕惟曲折爾能長。因之悟得行文法，不在縱橫在抑揚。

竹塽

風處鏗然月處虛，幾竿牕外足扶踈。春來紫戢猶勺土，已覺干雲勢有餘。

箭廳

駐輦還教集羽林，學文皇習射親臨。尋常點綴渾餘事，嘉此知予奮武心。

上元前夕觀燈火

翠罕行春駐紫泉，慶霄恰值上元前。  
逢迎節物春郊外，絞縛煙花凍浦邊。  
玉葉猶鋪千頃素，銀蟾祇欠一分圓。  
明朝趙北臨嘉夜，月映冰嬉應倍妍。

駐趙北口行宮即事

跋馬雄縣南，須臾長隄莅行宮。  
知己近煙柳，柔條肄于邁。  
指江南江南消息遞，漁村與蟹舍。  
近遠坡陀寄積雪，冰鋪仍新水。  
春生未野老，捧木盤一雙冰鯉。  
置還鯉命。

賚之嘉此獻芹意

水鄉

水鄉也自藝桑麻去歲靈霖潦蓄沙絮矩原田經澇者  
合教一例賑期加

上元日侍

皇太后宴

南巡東陸奉

慈鑾三五昌宵月正團四海為家欽養

志萬年介祉永承

歡冰花火樹輝行館玉妝銀梁供大官此樂本來天下

共即看祝

嘏待江干

上元於趙北口行宮同扈蹕儒臣詠冰嬉聯句

御製

上元燈火歲常新渚館冰嬉倍可人恒奉

慈娛千萬載

試賡法從兩三臣雙盤紀勝纔聯鼎



太液摘詞早鏤珉

御製永嬉賦  
曾經恭刻搨本

首頓廣陽偕燕衍

臣劉統勲

隔宵涿鹿普訢閭紫泉迎旭羅朝饌芳甸凝

膏潤宿昀

沼籩翦茨臨爽塏

臣劉綸

沙隄環桓倚崇闈縷金待暖將

拖柳泛玉流澌未點蘋廿五淀圍迴雁泊

臣于敏中

御製十三橋次宛虹馴西春返照明銀燭東壁騰輝燦玉

津較量前番正嘉夜

探尋此地足熙春鄭瀛景物分明賞吳越謳謠次

第

詢近水香花瞻

翠輦

臣錢汝誠

展風蠲復賁

丹綸紫姑競賽田蠶盛泰壹叢祠膏粥頻宴啓傳柑隨

豹尾

臣介福

歌同依藻疊魚鱗連黿彩躡仙艫亘翔鳳苞

扶

寶閣循蘭淑汎觴先楔洛

臣樊慶

御製 茆簷觀酺恰吹豳江南消息侵尋遞趙北煙花鄭重

陳況有于思隨蹕路

便教倒刺藉文茵聽催節鼓轟雷捷看上懸幢掣

電神孫挂月崖輕掉臂

臣劉統勲

鷗翻雲塔穩盤身招

搖稱手長竿拓子承趺寸楸紉鬪罷老獮羔解

跪

臣劉綸

拋殘巨卵彈能勻傳聲

賜錙懽泥首對隊擎杯暖沁脣積素似鹽堆繼臘

臣于敏中

御製 新陰如幄捲當晨冰含雪色炬千樹雪映冰光魄一

輪鋪得瑠璃為世界

集來鸛鷺儼朋賓奩規皎潔圓靈鏡壺削晶瑩方

嶠珎百戲蹴花澄晏衍

臣錢汝誠

九華結字澈齋淪菱

舟刺凍疑移嶼蓮座烘寒忽插旻灞岸詩情行得

得

臣介福

輞川畫本想粼粼從知黍谷回春是比似

樽桑不夜真迴憶六街看寂好

臣雙慶

御製

每懷一盞對猶貧長筵列坐宣回長曲岼駢觀樂土

民平步星橋連貝闕

縱眸雲隴覆瑤塵魚驚啟蟄潛還陟鴻識隨陽漸

復遵銜燭熒熒周溟裔

臣劉統勲

然犀燭燭洞磯濱篆

燼甲煎逾安息燈宰流蘇奪大秦繞許舂脂紛匿

匝

臣劉綸

分棚蘭燄轟嶙峋霞標瞥起陽凌冶月地

徐融沍縠皺燕國新詞慚授簡

臣于敏中

御製

魯山雅曲願書紳遠村漁火依微辨近渚龍檠左右

巡頃刻金蓮開萬朶

參差寶絡綴雙銀襄城赤幟塞中夕封氏花樞驗

半旬野老堵牆咸色喜

臣錢汝誠

內官立

仗不心瞋祥過卜繭餐餐餌采勝捫釘睹宿辰編戶獻

芹

行慶洽

臣介福

守臣負弩祝

釐申紅跗分窖歸蒸蔚碧剡同疇出塊垠清景當頭延

燕賞

臣雙慶

御製陽和有脚戴

鴻鈞底誇繼晷且經月要欲同歡並示仁惠遠行時難

緊置緊予本意在還淳

上元燈詞八首

前度江南此預日  
今番趙北正元宵  
觀燈例事庸宜罷  
況有輪班伯克朝

帝城三五常年景  
畿甸上元也自佳  
雖欲與民同樂賞  
微嫌守吏太差排

連宵都有郊燈燦  
今日偏饒冰戲奇  
燈燭冰光冰映月  
渾成世界淨琉璃

火樹千行方粲宴蘭煙百道與和凝空中宰堵須臾現  
寶月如來寂上層

絳葩結作榮光鏡翠火燃成瑞應圖聯袂童謳雖數十  
魯山于蒺獨何無

古今燈月交輝夕一刻光陰一刻憐遙想皇州不禁夜  
香車寶馬正喧闐

蛻膏鶴焰齊輝映蟹舍漁村盡看來金鎖玉關原不藉  
和門行漏且遲催



欣無行雨與流風  
照得冰消更雪融  
入夜悄然羣鬧息  
團圓月相古今同

駐蹕思賢村行館題句

漢家太傅有遺祠  
行館於旁樸且宜  
兩字思賢易新號

舊名四善村  
因易此名

千秋稽古藉先資  
閒庭不改風還月  
歆案

依然易與詩一宿  
明當發清蹕已安  
容膝底多為

題授經臺

高臺喜識授經名  
太傅猶稱處事明  
河內後來傳趙子

淮南先是受賁生詩殊東魯意頗合易是專韓義獨精  
憩宇恰依林屋側畢然望古集遙情

上元後夕觀燈即事

上元初過景重提翼節煙花燦且淒耐可郊燈燃更鬧  
却看海月上微低紫姑祈後春蠶慶韓傳祠邊火樹齊  
謾道漢家闕故事龍門太乙豈無稽

瀛州南樓四疊沈佺期韻

雲卿詠華譙綺句輝丹霄至今錦繡文不隨樓寂寥澤

國事時巡春晝揚和飈鳴鑾古瀛州短亭復長橋緬彼  
遺蹟處沙野迷近遙因之悟千古總資談議罵其人非  
所宗論世為此謠

河間道中再詠前題

日華坊

三雍獻雅蹟真嘉彰善而今有日華比似燾黃苴白者  
宏開兔苑底堪誇

毛精壘

大毛為傳小毛說博士河間領搢紳誰識詩壇尊揖讓  
積薪還右後來人

鳴犢河

夢帝埋符胥怪誕豈堪王道輔宣尼臨河不濟原天命  
鳴犢名因藉以垂

琴高冢

涓彭得術恣浮游肯為去聲故鄉一月留還復飄然乘鯉

去何來突兀土饅頭

條侯祠

誰云善相語全誣許負偏能相亞夫從理雖然事荒誕  
禍根種不爵徐盧

廣川臺

春秋義具天人策災異陰陽却鮮稽未識葩經明哲旨  
奚辭讒謫相膠西

題毛公祠

村尚以詩傳心儀設教筵淵源來子夏訓詁逮延年愛

此儒祠古兼臨行館便

地方官備數字憩舍於祠旁既樸且完稱蒞止焉

展書

樂清暇妙契鄭家箋

於毛公祠旁行館作

行館儒祠畔春風特地臨無邪蔽三百有傳至而今已  
喜書筵潔那更石徑深卷阿稍伴魚可愜昔賢心

即事

駐輦春風日又斜傳宣守吏問桑麻災區賑濟還當黽  
憩宇鋪陳底足誇且喜說經近毛氏不須買節學錢家

都京放燈自十三日至燕九茲以  
巡幸在途七十八兩日命罷之  
行樂清夜無繁聒名

### 教中原樂趣

#### 示直隸總督方觀承及其屬吏

驅車過瀛州縱目瞻原田  
原田有積水冰凝雪鋪連秋

麥既悞種

去聲

春種

上聲

亦覺艱去歲澇非常調幕吾慙旃

賑救或少靳灾黎何賴焉  
村行歷觀民色實鮮飢寒都

稱賴麥稔早收穫潦前此語疑信半  
況在蹕路邊其不

經見者寧無向隅人我惟加實惠爾  
其勉勤宣官階大

小殊民父母同然各盡保赤心蒼黎庶多全

紅杏園三疊前韻

今杏仍昔園三度曾駐輦乘陽行時令爰復停雲館撫  
景驗貞元晰理窮幽顯更無軍務殷喜有經書展迴思

此問夜始籌王旅遣掃逆兼靖回

丁丑駐此時雖伊犁已定而賊黨巴雅爾

等乘阿逆之窺觀望煽動方命將士乘春進討今厄魯回部悉平為憶爾時行在旁午不禁喜惕倍增也

天恩錫盡善

題惲壽平萬橫香雪圖



居然眼界是平江雪也無端香撲窓野塢不嫌寒儉相  
絕勝暖閣護苔椿

萬樹斜臨清淺意六根消盡淨香時草亭一个為何境  
鄧尉山陰有所思

紅杏園夕景

成趣非關日涉怡情愛與古稽夕景偏宜颯爾春物未  
至昌兮盆裏梅全吐萼牆頭柳始生梯遮莫銀蟾虛度  
翦燈靜賞堪題

項聖謨雲林清賞圖

積雪在喬林茅堂映雪深眼中無別客膝上有橫琴一  
片冰壺是千秋古調尋鹿裘原不藉瘦骨耐寒禁

御行營

朝家制度萬邦懷肆武巡方處處皆罽室氊床原是便  
韓祠毛社底稱佳且欣與我周旋久更不勞他點綴排  
几淨窓明復清暇可能闕詠此行齋

燕九日賜隨營諸臣及直隸各官食

修市行營御邱仙節日臨度疆留牧伯

明日入山東境直隸各官皆留

扈駕有纓簪宜與開春宴因之愜衆心筠冲常預席

隨行

回部王公等並  
得依次列坐

食黠擬懷音

### 燕九燈詞四首

風定寥天夕色曛春燈大野共民欣新詞耐可吟龍雒

故事那須徵白雲

綵檠夾路酺場寬迎送連郊列衆官

是日河東諸大吏迎駕畢集

部梨園人習見携來回伎俾同觀

植瓜種樹須臾速度索懸橦巧創竒比似前巡真厚幸  
軍書丙夜罷疇咨

圍觀老幼數無萬不禁金吾同樂多入夜肩輿返帳殿  
百年休養此熙和

賜衍聖公孔昭煥

翠華迎謁蹕途旁德業宗風想益豐取道迤東卿且返  
迴鑾當一仰宮牆

過德州運河即事

卧波浮釣亘通津夾岼肩摩接駕人按轡徐行還徹蓋  
鋪衢隨覲不嫌塵益祈田穀資其食所喜民情向我親  
去歲此曾遭異漲迴思猶為恫關頻

駐蹕德州示山東大小吏疊舊作韻

東省斯惟首頓居狩巡五載又臨予詎欣駐處閒庭廓  
尚念災餘比戶虛申命官箴宜惻爾設云民感益慚如  
十行頻有恩綸沛要在推行善體諸

正月廿日德州觀燈火

燕九過應燈火收何當繼照賞陵州疆連日翼陳宜聽  
幼挈老扶來不謀西漆南油齊屬目緣竿走索訝纏頭  
吾民樂即吾心樂紀載從他故事留

四依

皇祖德州即事詩韻

五度德州路民風不改初有成尼父語吾愧魯論書  
去歲盛秋霖協時乖曰肅竭力濟昏墊千村幸飽燠  
河南巡撫胡寶琮接駕因問河工民務隨遣去

豫省昨秋澇宵衣切厓思爾今來遠接為我說真知慢  
頌隄成速尚憐麥種遲饔飧得稍給屋宇可重治亟藉  
災區理寧須蹕路隨往哉勤汝事東作要乘時

賜山東巡撫阿爾泰

承宣原佐治安撫遂專衙

阿爾泰由山東布政使擢本省巡撫課吏旌清慎勤

民重麥麻入疆此所慶行館彼非嘉

郟城行館蓋因地名郟子園之舊增葺數椽用

備臨總阿爾泰以事非興作不先奏請然非朕所取也

化雨青齊被希璉政豈賒

賜河南巡撫胡寶琮

九江遷古汴因地藉賢材

寶璣前撫豫時練事日久去秋以楊橋工賑重務復自西

江調任中州

資爾尤熟路為子抒幹裁澮川別雍閑田野闊

汴萊善後方多務欽哉更勗哉

德州行宮疊舊作韻

京畿東省茲門戶水舸陸車滙路程幾宇行宮原早就  
一時賡韻又重成且遲柳色迎隄發已喜梅香對座榮  
遊豫大經曰休助載咨方伯體予情

題畫梅簃頭疊前韻



丁丑南巡時湯寫簏頭置行宮中而去今來復見  
因疊前韻

幾園還幾點前三與後三不因啓駕北那復識枝南

老黃河

不藉浮梁策騎過土人說是老黃河居今故道圖還復  
封建井田差幾多

賜河東河道總督張師載

去歲楊橋決予當咎匪卿從來不諉過正爾憫奔驚

初報

湯口時張師載引罪惶遽曾諭以此非人事所能為慎勿張皇失措

清白揚前烈

師載故禮部尚

書伯行之子

莫安觀後成修防益勤恇寂此繫民生

降旨免河南災地民借欠項因示胡寶琮

遇災蠲常賦賑期分次第輕重以為差是皆有恒例汙

菜闢綦要民力虞艱致牛具及籽種借與俾勤藝且緩

期以償無非為民計不期游遇澇後更較前劇

叶

斯宜

曲加恩概與豁免暨毋令侵蠹役尤須督庸吏蘇彼幸

全民體予如傷意

平原行

平原高樓臨廣津平原樓上多美人槃散行汲河之濱

美人一笑蹙者嗔竟往索頭君未許歲餘賓客稍引去

叶怪而問知賤士由乃斬笑蹙美人頭造門謝蹙客始

留卒得毛遂縱約收穎脫而出固亦奇三寸舌強百萬

師此事半信還半疑美人之頭偽乎真蹙未謀面奚區

分來去亦何與

去聲

衆賓大都龍門務辭工傳奇乃致失

平公戰國機械以為功邈矣吐哺握髮風同時更有狗

盜雄

朱叔重春塘柳色

儒素偏兼繪事工春塘柳色喜韶融猶存北宋丹青法  
不韻大家簡淡風煙縷欲低旋復起泉流似斷曲能通  
天然佳句誰管領付與橋頭策杖翁

徒駭河

策騎過徒駭禹功猶可稽由來大事舉艱致衆心齊故  
道難循舊秋霖藉洩低

今運河秋漲  
由此洩入海

益慙三度往劄誌

議防隄

題飲馬池

飲馬陽阿尚有潭下齊當日識奇男覬覦何事窺神器  
鍾室淒涼轉不堪

三依

皇祖南巡過濟南詩韻

百里桑麻率有城無非保障厯民生與吾共者二千石  
惕爾徒稱天下平潦後尚嗟溝壑轉春來那見室家盈

巡方惠政循

前揆詎為華不翠色橫

崗山疊舊作韻

十日行春盡郊野今朝發駕見山姿逢迎喜與峯巒近  
駐蹕纔方卓午時

雪積陰崖勒薄寒和門武帳向南安予寧慮闕豐裘暖  
慮在多人布帳單

生色圍屏盡意裘謾聲泛出籟含涼前番却憶雪中見

依舊行齋松嶺陽

翠雲千疊弄春晴  
抱石為胎強項生  
落落寧同凡草木  
却隨冬夏變枯萌

柳色六韻

通閨立春晚  
因之春意遲  
今朝逢柳色  
頭踏露韶姿  
新綠未彈葉  
輕黃始染絲  
風梳方澹蕩  
煙冪欲迷離  
詎致連村暗  
且欣綴野宜  
麥鍼猶待吐  
縱目引遐思

題長城

乘山築鄣達瑯琊四起防門謹蔽遮策士合從資倡議  
簞笞天下屬羸家

靈巖寺西入石路仍用唐劉長卿韻二首

入山全展畫問逕每梯苔鬢相應須禮肩輿可湯回圖  
經誰說剏刺史此曾來秦嶽秀分得苻秦境早開雲皆  
依嶂吐松不藉人栽甘露泉猶滌禪房重舉杯

前歲鐫巖句今看亦隱苔可知無住相勝處且遲回花  
雨常春落山容識我來鐘聲幾杵靜經帙大乘開忍草



庭中茁禪枝道者栽長城信佳作誰得議瓊杯

靈巖寺疊前韻

玉符祇苑由來久巖有佛居合號靈豈必吳中八面塔  
請看歷下五花亭松因摩頂今聽法泉自渡杯古瀉潯  
別館近旁堪一宿清虛端足謚神形

卓錫泉上作

古寺禮靈巖春泉憩卓錫泉上自有亭左倚千尋壁松  
蓋密密張乳竇淙淙滴眉目于焉朗心神一以滌志乘

誰所作咄咄誇妙蹟錫如能昭昭泉即所歷歷便實有  
其事臨濟與棒喫

駐蹕方山疊舊作韻

誰向丹陽借宋符

江南上元縣有方山宋元嘉時何尚之退居處其地為丹陽郡所轄按山

東志載方山在長清縣界雖名同上元實即水經注之玉符山也

佳談一例助遊娛何

須此是彼非論不異水流山峙區行館數間堪駐耳好  
峰幾疊試登乎前年已是携圖去今日居然身在圖

朗公石歌並為圖

玉符東麓卓立峰圖志猶稱是朗公人盡云然胡獨不  
飄飄合掌行雲空又如達摩面巖壁復傳曾有點頭石  
一之為甚可再乎初祖生公笑可惜興來為寫朗公貌  
三鬣何曾求曲肖眉毛拖地至今然海月團團鏡光照  
再題靈巖寺八景

巢鶴巖

羽客本來瑤島種何因瑞相兆開山應緣命命同飛去  
安養道場聽法還

甘露亭

甘露泉頭甘露亭  
淪泉洗鉢茁蓮青  
無端津逮閣黎口  
說法猶當字字馨

卓錫泉

都大緇流也好竒  
錫傳乳竇注山陂  
玉泉第一惠泉二  
問爾神僧卓者誰

摩頂松

長安辭闕求西竺  
摩頂松何在魯東  
遷固猶然有踳駁

稗官異怪語多空

鐵袈裟

鐵鑄袈裟圖久住誰能著得自元超蒲牢設擬鯨魚發  
也似鐘聲披七條

白雲洞

天半嵌巖名白雲晴空無雨亦氤氲前春憶得探奇到  
路自英英蔚處分

雨花巖

維摩室裏文殊問那是如來不二門付與層巖雨花者  
更無人說默無言

愛山樓

潔治行宮備豫巡高樓納得好山皺設云仁者有同樂  
便擬當春澤物均

方山夕景

雪積有餘寒山高易為暮松梢落暝色忽失蒼松處行  
齋倚巖半謾謾仙風御神謐息外營景清契始遇然此

不可著明當清蹕去


降旨免山東被水州縣積欠詩以誌事

夏諺曰遊豫其義重休助此地昨秋潦宵旰厯憂慮春  
來寬大詔率已屢頒布經過切體察老幼迎蹕路雖云  
無菜色猶懼有新措廉知餘積欠期緩終應賦不如一  
與豁俾免催呼遽安心勤耕農有秋冀可遇

填倉日作

餅卽途中度民風取次探炊煙村樹引嘶水野橋含問

俗新棉有充庖嫩韭堪落莫纔數十積穀厘餘三



御製詩三集卷十八